

դարձաւ յաքսորանաց և Ս. Կիւրեղ և մարդասիրութեամբ
 ընկալաւ զնա յԱնտիոք Ս. Մելիտոս, ուր էր յայնժամ եւ
 թագաւորն, և յանձն արար նմա մանուկ զոմն որդի քրմի,
 փախուցեալ 'ի ձեռաց հօր իւրոյ և Յուլիանոսի. և Կիւրղի
 առեալ զայն գիշերայն եւ 'ի քաղաքէն և եկն յաթոռ իւր
 յԵրուսաղէմ, ուր մկրտեաց զմանուկն եւ յետ ժամանա-
 կաց դարձոյց նաեւ զհայր նորին 'ի Ս. Հաւատոս: Կարի
 զայրացեալ էր Յուլիանոս ընդ Աթանաս, եւ հրամայեաց
 հանել զնա 'ի սահմանացն Եգիպտացոց. այլ Աթանաս
 զերծաւ 'ի ձեռաց իսնդրակացն: Պատրաստեցաւ Յուլիա-
 նոս տալ մեծ ինչ մարտ պատերազմի ընդ Պարսից, և եկն
 յԱնտիոք, կողոպտեաց զԲրիտոնեայս և զեկեղեցիս ծան-
 րութեամբ հարկաց: Եւ ազատութիւն Հրէից և հրամա-
 յեաց զոհս մատուցանել ըստ օրինացն Մովսիսի: Իսկ Հրէ-
 այքն ստեն, չէ մարթ ուրեք զոհս մատուցանել, եթէ ոչ
 շինեսցի Տաճարն, կործանեալ 'ի Տիտոսէ. եւ անդրէն 'ի
 տեղւոյն կանգնեցից. բուռն հարէք շինել զայն 'ի հիմանց
 և եւ զծախսն լցից յարքունի գանձուց: Մեծ էր կատա-
 ղութիւն Հրէից ժողովելոց յԵրուսաղէմ և լուտանք նախա-
 տանաց ընդդէմ Բրիտոնէից: Յուսով շինելոյ զնոր Տա-
 ճար հոյակապ՝ քակեցին և զբազումս 'ի մնացեալ քարանց
 հիման հնոյ Տաճարին առ արկանել զհիմն նոր. և զհոգն
 կուտեցին 'ի բլուրս բլուրս, և պատրաստեցին զնիւթս շի-
 նուածոցն՝ զի 'ի վաղիւ անդր արկեցն զհիմն: Եւ ահա 'ի
 գիշերին այնմիկ եղեւ յանկարծակի սասանութիւն ահա-
 գին զտեղեաւն, և յետ չարժմանն յարեաւ հողմ սաստիկ
 ուժգին փոթորկեալ. և 'ի կրկին դղրդմանց աստի կործա-
 նեցան տունք չրջակայ, յորս ժողովեալ էին բազմութիւնք
 Հրէից գործաւորաց, մինչեւ ճմլիլ նոցա ընդ փլատակաւ
 եւ կորնչիլ. և 'ի մրրկէ անտի հողակոյտն ամենայն լցաւ
 անդրէն 'ի փոսն փորեալ. եւ քարինք մեծամեծք պատ-
 րաստեալք վասն հիմանց ձգեցան 'ի վայրս հեռաւորս,
 ատաղձ շինուածոյ ցիր եւ ցան եղեն 'ի մէջ քաղաքին:
 Հրէայք ոչ զգաստացան յԱստուածասաստ յանդիմանու-
 թենէ անտի. այլ 'ի վաղիւ անդր յանդգնեցան միւսան-
 դամ յառաջին գործն. այն ինչ սկսան մաքրել զտեղի հի-
 մանն, յեղակարծուց իմն 'ի վեր եւ հուր 'ի գետնոյ անտի